

# OLMMOŠVUOIGATVUOĐASÁTTAGOTTI LAHTUID NAMMADEAPMI

Riikkabeivviid vuoigatvuođaáššeolbmo birra addojuvvon lága mielde vuoigatvuođaáššeolmmoš ásaha olmmošvuoigatvuođasáttagotti, go lea vuos gullan Olmmošvuoigatvuođaguovddáža hoavdda. Čuovvovaš sáttagoddi áсахuvvo badjái 1.4.2020–31.3.2024.

Olmmošvuoigatvuođaguovddáš ja dan olmmošvuoigatvuođasáttagoddi ovttas riikkabeivviid vuoigatvuođaáššeolbmuiin hábmejit Suoma álbmotlaš olmmošvuoigatvuođainstitušuvnna. Olmmošvuoigatvuođaguovddáža bargun lea

1. ovddidit vuođđo- ja olmmošvuoigatvuođaide guoski dieđiheami, bajásgeassima, skuvlema ja dutkamušá sihke daidda laktáseaddji oktasašbarggu;
2. ráhkadit čilgehusaid vuođđo- ja olmmošvuoigatvuođaid ollašuvvamis;
3. dahkat álgagiid ja addit cealkámušaid vuođđo- ja olmmošvuoigatvuođaid ovddideami ja ollašuhttima várás;
4. oassálastit eurohpalaš ja riikkaidgaskasaš oktasašbargui, mii laktása vuođđo- ja olmmošvuoigatvuođaid ovddideapmái ja dorvvasteapmái;
5. atnit ávvira eará vástideaddji bargguin, mat laktásit vuođđo- ja olmmošvuoigatvuođaid ovddideapmái ja ollašuhttimii.

Olmmošvuoigatvuođaguovddáš ii gieđahala guoddalemiid. Olmmošvuoigatvuođaguovddáš lea doaimmas dáfus iehčanas ja sorjjasmeahtun, muhto hálddahušlaš oassi vuoigatvuođaáššeolbmo kanslia. Olmmošvuoigatvuođaguovddáža birra lea mearriduvvon riikkabeivviid vuoigatvuođaáššeolbmos addojuvvon lága (535/2011) 3 a logus.

Olmmošvuoigatvuođaguovddáža olmmošvuoigatvuođasáttagotti bargun lea lága mielde:

1. gieđahallat viidát váikkuheaddji ja prinsihpalaččat dehálaš vuođđo- ja olmmošvuoigatvuođaáššiid;
2. dohkkehit jahkásaččat Olmmošvuoigatvuođaguovddáža doaibmaplána ja doaibmačilgehusa;
3. doaibmat vuođđo- ja olmmošvuoigatvuođasuorggi doaibmiid álbmotlaš oktasašbargoorgan.

Lága mielde sáttagoddi čohkiida álbmotservodaga, vuođđo- ja olmmošvuoigatvuođadutkamušá sihke eará vuođđo- ja olmmošvuoigatvuođaid ovddideapmái ja dorvvasteapmái oassálasti doaibmiid ovddasteddjiin. Sáttagotti lahtut välljejuvvojit persovnnalaš áššedovdamušaset vuođul nu, ahte čoakkádusas ollašuvvá ovddabealde máinnašuvvon lága ulbmil. Sáttagodái gullet lassin alimus lágalašvuođabearráigeahčiid, spesiálváljaolbmuid ja Sámedikki ovddasteaddjit.

Son, guhte nammaduvvo lahtun, galgá čatnasit sáttagotti doaimmaide. Lahttuvuohta gáibida jeavddalaš oassálastima ja ráhkkaneari sáttagotti čoahkkimiidda sihke vejolaš juogusbarggildeami. Sáttagoddi čoahkkana 2–4 geardde jagis ja das lea bargováljagoddi sihke bissovaš juogusin lámisolbmuid vuoigatvuođaid gieđahalli juogus. Dasa lassin das sáhttet leat eará juhkosat, mat vudjot dihto temáide.

Sáttagodái nammaduvvojit 20–40 lahtu. Vuoigatvuođaáššeolmmoš sáhtta nammadit sáttagotti lahtun maidái geannu eará go mearreáiggis ohcamušas guođđán olbmo.

Sáttagotti čoakkádussii heivehuvvo nissoniid ja albmáid gaskasaš dásseárvvu birra addojuvvon lága 4 a §:a 1 momeantta gáibáduš, man mielde stáhta komiteain,

ráđđádallangottiin ja eará vástideaddji doaibmaorgánain galget leat sihke nissonat ja albmát goappašagat uhcimuštá 40 proseantta, jos erenomáš sivain ii eará čuovo.

Olmmošvuoigatvuođasáttagotti ságajodiheaddjin doaibmá Olmmošvuoigatvuođaguovddáža hoavda. Sáttagoddi vällje gaskavuodastis várreságajodiheaddji. Sáttagotti lahtuide máksojuvvo riikkabeivviid kansliadoaibmagotti mearridan buhtadus.

Sii, guđet leat beroštuvvan olmmošvuoigatvuođasáttagotti lahttuvuođas doaibmabadjái 1.4.2020–31.3.2024, galget doaimmahit ohcamušaset riikkabeivviid vuoigatvuođaáššeolbmo kanslia girjenkantuvrii (***oikeusasiat@eduskunta.fi*** dahje **Arkadiankatu 3, 00102 EDUSKUNTA**). Ohcamušat galget leat riikkabeivviid vuoigatvuođaáššeolbmo kanslia girjenkantuvrras **manjimuštá 10.3.2020 dmu 16:00**.

### **Ohcamušas galget boahtit ovdan čuovvovaš áššit**

- Oktavuodadieđut (ovdanamma, sohkanamma, čujuhus, telefon, šleađgapoasta – mas fáhte buoremusat gitta)
- Skuvlejupmi ja ámmát
- Govvádus dakkár áššedovdamušas, hárjánumis ja doaimmas, mii laktása vuodđo- ja olmmošvuoigatvuođaide dahje mas muđui lea ávki sáttagotti bargguid ja ulbmila dáfus.

Ohcamuššii bivdojuvvo laktojuvvot ánsologahallan dahje nammagirjeválddus.

Ohcamušas bivdojuvvo maid oanehaččat mitalit, manin ohcci hálida beassat olmmošvuoigatvuođasáttagotti lahttun.

Diđoštallamiidda vástida áššemeannudeaddji ráđđeolmmoš Riitta Länsisyrjä, (riitta.lansisyrja@eduskunta.fi), 09 – 432 3363.